



Broj, 01-07-10-51-188/2024  
Sarajevo, 5.8.2024. godine

Na osnovu člana 25. stav (1) i člana 26. stav (4), a sve u vezi sa članom 51. Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23), te na osnovu člana 205. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13, 53/16, 61/22) kao i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Samira Beganovića, [REDACTED], [REDACTED], od 25.7.2024. godine, predsjednik Visokog sudskog i tužilačkog vijeća Bosne i Hercegovine donosi

## DJELOMIČNO RJEŠENJE

**Odobrava se pristup sljedećim informacijama:**

- a) zaključku Visokog sudskog i tužilačkog vijeća Bosne i Hercegovine sa sjednice održane 24. i 25. maja 2023. godine o ponavljanju konkursa za oglašenu poziciju zamjenika glavnog tužioca Okružnog javnog tužilaštva u Bijeljini;
- b) podacima o nacionalnoj i spolnoj strukturi zaposlenih u Okružnom javnom tužilaštvu Bijeljina na tužilačkim funkcijama na dan 17.7.2024. godine.

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 25.7.2024. godine zaprimilo zahtjev za pristup informacijama Samira Beganovića, [REDACTED] (u daljem tekstu: podnositelj zahtjeva), kojim je tražena Odluka o djelomičnom poništenju javnog konkursa za popunjavanje pozicije zamjenik glavnog tužioca Okružnog javnog tužilaštva u Bijeljini iz maja 2023. godine i Obavještenje o poništenju navedenog konkursa u tom dijelu. Također, traženi su podaci o nacionalnoj i spolnoj strukturi zaposlenih u Okružnom javnom tužilaštvu Bijeljina na tužilačkim funkcijama na dan 17.7.2024. godine.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

U odnosu na tačku a) izreke rješenja, uvidom u službenu evidenciju, utvrđeno je da je VSTV BiH, na sjednici održanoj 24. i 25. maja 2023. godine, u okviru tačke 21. *Imenovanja*, između ostalih, usvojio i sljedeći zaključak:

- „Савјет је донио одлуку да се понови конкурс за другу оглашену позицију замјеника главног тужиоца Округног јавног тужилаштва у Бијељини.“

Zaključci sa navedene sjednice dostupni su na web stranici VSTV-a BiH u kategoriji VSTV BiH/Sjednice/Izveštaji, odnosno putem linka:

<https://vstv.pravosudje.ba/vstvfo/B/141/kategorije-vijesti/1172/1175/1284>.

U odnosu na tačku b) izreke rješenja, uvidom u službenu evidenciju na dan 29.7.2024. godine, utvrđeno je da je Okružnom javnom tužilaštvu u Bijeljini od ukupno 11 nosilaca pravosudnih funkcija, 5 muškog i 6 ženskog spola, dok je nacionalna struktura sljedeća: 3 Bošnjaka (27,27 %), 0 Hrvata (0,00%), 8 Srba (72,73%), 0 (0,00%) Neopredijeljenih i 0 (0,00%) Ostalih. Navedeni podaci primjenjivi su na datum tražen zahtjevom, odnosno 17.7.2024. godine.

U odnosu na zahtjev za dostavljanjem Odluke o djelomičnom poništenju javnog konkursa i Obavještenja o poništenju navedenog konkursa, pristup istim je odbijen u skladu sa Zaključkom VSTV-a BiH broj 01-07-10-51-189/2024 od 5.8.2024. godine, koji se dostavlja zajedno sa ovim rješenjem.

Postupajući po zahtjevu podnosioca, a u skladu sa svim gore navedenim, odlučeno je kao u dispozitivu ovog rješenja.

#### **Pouka o pravnom lijeku:**

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog, a može se izjaviti i na zapisnik kod VSTV-a BiH. Žalba se podnosi putem VSTV-a BiH, a na istu se shodno odredbama Zakona o administrativnim taksama („Službeni glasnik BiH“, br. 16/02, 19/02, 43/04, 8/06, 76/06, 76/07 i 98/12), plaća taksa u iznosu od 10 KM, po tarifnom broju 2. Tarife administrativnih taksi.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnosiocu zahtjeva
2. Odjelu za imenovanje i napredovanje nosilaca pravosudnih funkcija
3. U spis